

Morning Dogri (NSD) National News Bulletin 07-04-2024

आकाशवाणी

1. भारती जनता पार्टी दे वरिष्ठ नेता ते प्रधानमंत्री नरेन्द्र मोदी होर अज्ज बिहार दे नवादा च चुनावी रैली करगंन। मोदी होर मध्यप्रदेश दे जबलपुर च इक रोड शो राएं लोकसभा चुनाव लेई बीजेपी दे अभियान गी शुरू करोआंगन।
2. राश्ट्री जांच अजेसी एनआईए नै 2022 च होए दे बम्ब धमाके आले मामले च पच्छम बंगाल थमां 2 प्रमुख संदिग्धे गी गिरफ्तार कीता ऐ।
3. भारती तट रक्षक बल नै बंगाल दी खाड़ी थमां 9 मछेरें गी सुरक्षत बचाया।
4. मौसम विभाग नै अज्ज महाराष्ट्र, मध्यप्रदेश, छत्तीसगढ़, पच्छम बंगाल ते ओडिशा दे किश हिस्से लेई ओरेंज अलर्ट जारी कीता ऐ।
5. आईपीएल क्रिकेट च जंदी रातीं जयपुर दे सवाई मानसिंह स्टेडियम च राजस्थान रॉयल्स नै रॉयल चैलेंजर्स बेंगलोर गी 6एं विकेटें कन्नै हराई दित्ता।

<><><><><><>

PM-Bihar

भारती जनता पार्टी दे वरिष्ठ नेता ते प्रधानमंत्री नरेन्द्र मोदी होर अज्ज बिहार दे नवादा च चुनावी रैली करगंन। ओह एनडीए दे मेदवार दे समर्थन च जनसभा गी संबोधत करगंन। बीजेपी नेताएं कन्नै एनडीए दी होरने गठबंधन पार्टिएं दे सदस्य बी रैली च शामिल होंगन। प्रधानमंत्री हुंदे कार्यक्रम गी दिक्खदे होई सुरक्षा दे व्यापक प्रबंध कीते गेदे न। इक हफते दे अंदर एह प्रधानमंत्री हुंदी दूई रैली ऐ। एहदे शा पैहले 4 अप्रैल गी उनें जमुई निर्वाचन हल्के थमां बिहार च एनडीए दे चुनाव प्रचार दा शुभारंभ कीता हा। नवादा समुंद्री खेत्तर थमां भारती जनता पार्टी नै वरिष्ठ पार्टी नेता ते साबका केन्द्री मंत्री डॉ. सी.पी.ठाकुर हुंदे पुत्तर विक्के ठाकुर होरें गी मेदवार बनाया ऐ। लोकसभा चुनाव दे पैहले गेड़ च गया, औरंगाबाद ते जमुई दे कन्नै नवादा संसदी सीट लेई बी मतदान होग। तोआई प्रधानमंत्री होर अज्ज मध्यप्रदेश दे जबलपुर च चुनाव प्रचार करगंन। मोदी होर जबलपुर च इक रोड शो च बी शामिल होंगन। एहदे राएं मध्यप्रदेश च लोकसभा चुनाव लेई बीजेपी दे अभियान दी शुरुआत करगंन। प्रधानमंत्री हुंदा रोड शो शहीद भगत सिंह चौराहें थमां शुरू होइयै जबलपुर दे गोरखपुर इलाके च आदि शंकराचार्य चौराहे पर खत्म होग।

<><><><><><>

BJP-Road Show

भारती जनता पार्टी दे राश्ट्रीय अध्यक्ष जे.पी.नड्डा होर कल रातीं कोजीकोड केरल च इक रोड शो करियै पार्टी दे मेदवार एम.टी.रमेश हुंदे आस्तै चुनाव प्रचार कीता। मगरा पार्टी वर्करें गी संबोधत करदे होई उनें आक्खेआ जे विपक्ष कोल नेता नेई ऐन, ते ऐन बी, ओह जां ते जेल च न जां जमानत पर न। उनें आक्खेआ जे केरल च यूडीएफ ते एलडीएफ दवै इक जनेह गै न ते दौनें दा रुझान भ्रष्टाचार च ऐ। उनें आक्खेआ जे केरल च "Lootocracy" यानि लूट करने आला, प्रशासन तंत्र हावी ऐ। उनें आक्खेआ जे दवै गठबंधन मकामी स्तर पर इक दुए कन्नै संपर्क करदे न, पर राश्ट्रीय स्तर पर किट्टे होई जंदे न, जित्थुआं इंदे पाखंड दा पता लगदा ऐ ते उंदी गुमराह कुन नीतिएं दा पर्दाफाश होंदा ऐ।

इक ऐसी सरकार सत्ता च ऐ जिन्नै बेरोजगारी, आर्थिक संकट, मैहगाई ते गैर बरोबरी गी बढ़ावा दित्ता ऐ।

<><><><><><>

Weather

मौसम विभाग नै अज्ज महाराष्ट्र, मध्यप्रदेश, छत्तीसगढ़, पच्छम बंगाल, ते ओडिशा दे किश हिस्सें लेई ओरेंज अलर्ट जारी कीता ऐ। इनें खेत्तरें च गरज दे कन्नै बरखा बरने ते तेज हवा चलने दा अनुमान ऐ। देसै दे पूर्वोत्तर खित्तें च अगले 6एं दिनें दे दरान 50 किलोमीटर प्रति घेंटे दी रनफ्तार कन्नै हवा चली सकदियां न। झारखंड, पच्छम बंगाल, ओडिशा ते बिहार च कल्लै तोड़ी एह हालत बने दे रौंहगन। आंध्रप्रदेश च अज्ज, तमिलनाडू, पुडुचेरी ते तेलंगाना च क लते महाराष्ट्र ते केरल च इस म्हीने दी 12 तरीक तगर बरखा ते अंधी झक्खड़ चलने दा अनुमान ऐ। उत्तराखंड च अगले 5एं दिनें तगर होली बरखा ते बर्फबारी होई सकदी ऐ। मौसम विभाग ने ओडिशा, मध्यप्रदेश, महाराष्ट्र ते छत्तीसगढ़ च अज्ज ऐन पौने दा बी अनुमान व्यक्त कीता ऐ। तोआई देसै दे पूर्वी ते प्रायद्वीपीय हिस्सें च अज्ज ते कल लूह चलने दे असार न। मौसम विभाग नै आक्खेआ ऐ जे अगले 3-4 दिनें दरान देसै दे उत्तरी ते पच्छमी हिस्सें च बद्धोबद्ध तापमान च 2 शा 2 डिग्री सैल्सियस दी कमी आई सकदी ऐ।

<><><><><><>

IPL

आईपीएल क्रिकेट च जंदी रातीं जयपुर दे सवाई मानसिंह स्टेडियम च राजस्थान रॉयल्स नै रॉयल चैलेंजर्स बैंगलोर गी 6एं विकटें कन्ने हराया। जित्त लेई लोडचदे 184 रंज दे लख्य दा पिच्छा करदे होई राजस्थान रॉयल्स नै 19 ओवरें ते 1 गेंद पर 4 विकटें दे नुक्सान पर 189 रंज बनाइयै मैच अपने नां करी लैता। राजस्थान लेई जॉस बटलर नै 100 रंज दा योगदान दित्ता ते उसी मैच दा बेह्तरीन खडारी घोषत कीता गेआ। अज्ज मुंबई दे वानखेडे स्टेडियम च मुंबई इंडियंस दा मकाबला दिल्ली कैपिटल्स कन्नै होग। मैच दपैहरी साढ़े त्रै बजे शुरू होना तैह ऐ।

<><><><><><>